



Maro no niandry ny kabarin'ny Filoham-pirenena malagasy, Andry Rajoelina, tamin'ny fandraisany anjary, ny 22 Septambra 2021, izay tafiditra tao anatin'ny Fivorian-dehibe faha-76 tontosaina ao New York, ny 21 ka hatramin'ny 27 Septambra 2021.

« *No comment* », hoy ny teny anglisy ka aleo tonga dia adikako teny malagasy malalaka ( « *free traduction* » ) ny voalazany tamin'ny teny frantsay, momba ireo Nosy Malagasy ireo. Lasa ary isika.

« Tompokolahy sy Tompokovavy,

Ny vato fototry ny fipoiran'ny fampandrosoana maharitra dia ny Fiandrianam-pirenena sy ny Firaisan-kina. Anisan'ireo adihevitra momba ireo ka mikasika manokana an'i Madagasiraka dia ny resaka Nosy Malagasy. Ratra sy fery mbola tsy mikatona ao am-pon'ny fireneko sy ny vahoakako ny momba ireo.

Nisy ny dingana nataon'ny La Frantsa momban'ny fanaperana ny fanjanahantan'i Madagasikara, ny taona 1945, tany San Francisco (Ndt : Etazonia). Fa 15 taona taty aoriana, ny taona 1960 izany, vao naverina ny Fahaleovantena. Hatreto aloha dia toa saritsarina fialana amin'io fanjanahantany fotsiny ihany no misy satria mbola mitoetra io olana mikasika ireo Nosy Malagasy ireo.

Kanefa nisy fanapahankevitra roa mazava navoakan'ny Fivoriam-ben'ny Firenena mikambana. Ny voalohany, ny taona 1979, dia ny fangatahiny an'i La Frantsa ny fanafainganana tsy misy atak'andro ny fifampiraharaha amin'i Madagasikara, amin'ny famerenana ireo Nosy ireo izay nosarahina tamin'i Madagasikara, amina fomba jadona. Ny faharoa, ny taona 1980. Teto dia nanipika ny alahelony ny Fivoriam-ben'ny Firenena mikambana satria tsy nampiarina mihitsy ilay fanapahan-kevitra 34/91, ary nanambara fa tokony hampiarina faran'izay aingana indrindra.

Ankehitriny, 42 taona aorian'ireo fanapahankevitra ny Firenena Mikambana roa ireo, dia napetraky ny tenako sy ny Filoha Frantsay, Emmanuel Macron, ny komisiona Malagasy-Frantsay, ho fiaraha-midinika ny firenena roa tonta ny momba ireo Nosy ireo. Manam-pinoana ny tenako fa hitondra vahaolana ara-drarin'ny lavitry ny tebiteby ny asan'io kaomisiona na voamiera malagasy-frantsay io. Ary manasa ny fikambanan-tsika, ny Firenena Mikambana izany, mba andray ny anjara feno ananany eo amin'ny fanaraha-maso ny asa rehetra ao anatin'ny ara-dalàna sy ny tsy fitanilana.

Madagasikara dia tsy manana na hery na tafondro na ihany koa finiavana hanangana ady na amin'iza na amin'iza. Ny mibaikon'ny fonay dia ny ara-drarin'ny sy ny ara-dalàna ary indrindrina ny zonay hitondra ny ho avin'ny tanindrazanay ».

**Dikan-teny malalaka : Jeannot Ramambazafy**

**Iraka manokana ho an'i Madagate**